

STARFSLEYFI

[Bleikja ehf.]¹

ÍSAT nr. 05.02.1.1 - Seiðaeldisstöðvar > 20 þús. seiði og afrennsli í ferskvatn

**Laugum, Landsveit
851 Hella**

[kt. 470121-0840]²

Nafn og kt. rekstraraðila: [Bleikja ehf., kt. 470121-0840]³
Heimilisfang: [Katrínartúni 2, 105 Reykjavík]⁴

Útgáfudagur: 16. júní 2010

Gildir til: 16. júní 2022

Starfsleyfi þetta er gefið út skv. ákvæðum laga nr. 7/1998 um hollustuhætti og mengunarvarnir með síðari breytingum, lögum nr. 93/1995 um matvæli msbr., þegar um matvæli er að ræða og laga nr. 52/1988⁵ um eitrefni og hættuleg efni eftir því sem við á. Leyfishafi skal hlíta ákvæðum annarra laga og reglugerða settum skv. þeim sem um starfsemina kunna að gilda.

Leyfið er einnig gefið út með neðangreindum starfsleyfisskilyrðum:

Samræmd starfsleyfisskilyrði fyrir fiskeldi á landi,

dags. 16. júní 2010

Fyrirhugaðar breytingar á húsnæði, framleiðslu eða rekstri skulu gerðar í samráði við Heilbrigðiseftirlit Suðurlands⁶. Við flutning eða eigendaskipti fellur starfsleyfið úr gildi nema að nýr rekstraraðili sækir um að leyfið færist yfir á hans nafn. Ef fyrirtækið hættir rekstri skal það tilkynna með formlegum hætti til Heilbrigðiseftirlits Suðurlands⁷ og fellur starfsleyfið þá úr gildi.

Framsál þessa leyfis er óheimilt. Skyld er að framvísa starfsleyfisskilyrðum þegar opinber eftirlitsaðili óskar þess.

Starfsleyfi þetta skal hanga uppi á áberandi stað.

Starfsleyfið er gefið út til 12 ára en heimilt er að endurskoða það ef breytingar verða á starfsemi, rekstri eða staðsetningu að mati útgefanda. Endurskoða skal jafnan starfsleyfi á fjögurra ára fresti. Starfsleyfishafi skal greiða starfsleyfis- og eftirlitsgjöld skv. gildandi gjaldskrá.

Reykjavík 16. nóvember 2021⁸

Sigrún Ágústsdóttir
forstjóri

Sigríður Skaftadóttir
lögfræðingur

¹ Hér stóð áður „Veiðifélag Eystri Rangár“

² Hér stóð áður „kt. 530492-2659“

³ Hér stóð áður „Einar Lúðvíksson, kt. 140863-7269“

⁴ Hér stóð áður „Norðurgarði 1, 860 Hvolsvelli“

⁵ Í dag gilda efnalög nr. 61/2013.

⁶ Nú Umhverfisstofnun, ekki Heilbrigðiseftirlit Suðurlands.

⁷ Nú Umhverfisstofnun, ekki Heilbrigðiseftirlit Suðurlands.

⁸ Starfsleyfi þetta var upphaflega gefið út af Heilbrigðiseftirliti Suðurlands, þann 16. júní 2010, fyrir Veiðifélag Eystri Rangár, en var fært þann 16. nóvember 2021 yfir á nýjan rekstraraðila, Bleikju ehf. Öll réttindi og skyldur sem koma fram í starfsleyfinu og neðangreindum starfsleyfisskilyrðum færðust með þessu til Bleikju ehf.



Samræmd starfsleyfisskilyrði vegna mengunarvarna, sbr. lög nr. 7/1998 um hollustuhætti og mengunarvarnir, með síðari breytingum.

Starfsleyfisskilyrði fyrir fiskeldi á landi

[Bleikja ehf.]

kt. 470121 0840]⁹

ISAT 05.02.1.1
Laugum, Landsveit
Seiðaeldi og matfiskur.

1. Almenn ákvæði og gildissvið

- 1.1 Starfsleyfið gildir fyrir fiskeldi og seiðaeldi annað en sjókvíaeldi, allt að 20 tonna ársframleiðslu.
- 1.2 Ef um annan starfsleyfisskyldan rekstur er að ræða samhliða, gilda einnig viðeigandi starfsleyfisskilyrði.
- 1.3 Rekstraraðili ber ábyrgð á rekstri fyrirtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfisskilyrðum. Breytingar á rekstri skal tilkynna til leyfisveitanda.
- 1.4 Rekstraraðili skal starfrækja innra eftirlit með mengandi þáttum starfseminnar og umhverfis- og rekstrarþáttum tengdum þeim. Skrá skal á skilvirkan hátt og geyma upplýsingar um:
 - a) Vatnsnotkun, framleiðslumagn og afföll.
 - b) Fóðurnotkun og fóðurgerð.
 - c) Losun efna út í umhverfið.
 - d) Viðhald og tæmingu hreinsivirkja sem eru til staðar.
 - e) Magn og gerð hreinsiefna, sótthreinsiefna og lyfja sem notuð voru á árinu.
 - f) Meðhöndlun úrgangs, þ.m.t. magn og gerð.
 - g) Afstöðumynd af stöðinni sem inniheldur m.a. frárennislagnir og hreinsivirki skal vera til staðar. Skrá skal allar breytingar sem gerðar eru á byggingum og frárennislögnum og varða mengunarvarnabúnað.
 - h) Gera skal viðbragðsáætlun vegna mengunaróhappa og neyðaráætlun ef til rekstrarstöðvunar kemur.
 - i) Skrá skal öll mengunaróhöpp og atvik er varða mengun og mengunarvarnir rekstraraðila, s.s. bilanir á búnaði, leka og slys.Innra eftirlit og skráningar skulu vera aðgengilegar heilbrigðisfulltrúum.¹⁰

⁹ Hér stóð áður:
„Veiðifélag Eystri- Rangár
kt. 530492 2659“

Breyting á nafni og kennitölu rekstraraðila var gerð 16. nóvember 2021 þar sem nýr aðili hefur tekið við rekstrinum.

¹⁰ Nú Umhverfisstofnun.



2. Mengunarvarnir og umhverfismál

- 2.1 Beita skal bestu fánlegu tækni til að fyrirbyggja mengun umhverfisins.
- 2.2 Rekstraraðili skal tryggja umhverfisvernd, t.d. með því að fylgjast með ástandi eldisvatns og eldisbúnaðar. Reglulega skal yfirfara botnsíur og annan búnað sem hindrar að fiskar sleppi út í umhverfið.
- 2.3 Fyrirtækinu er skylt að sjá um, að á öllu athafnasvæði þess sé gætt fyllsta hreinlætis. Allar vélar og tæki, hráefni og annað það er starfseminni tilheyrir og er vistað í húsnæði eða á lóð fyrirtækisins skal þannig frá gengið að ekki valdi óþrifum eða óþægindum fyrir nágranna.
- 2.4 Beita skal bestu fánlegri tækni við meðhöndlun úrgangs og stefna að lágmarkun úrgangs hjá fyrirtækinu. Fyrirtækið skal flokka og endurnýta úrgang eins og kostur er. Úrgangur sem ekki nýtist skal annaðhvort fluttur til endurnýtingar annars staðar eða til förgunar. Sorphirslur og ílát undir úrgang sem staðsett eru utanhúss, skulu vera lokuð og í samræmi við lög og reglur. Spilliefnum og lyfjaleifum skal komið til viðurkenndrar spilliefnamóttöku. Öll brennsla úrgangs er óheimil.
- 2.5 Rekstraraðila er skylt að fyrirbyggja aðgang fugls, meindýra og annarra villtra dýra að eldiskerjum, fóðurgeymslum, fráveitukerfi og úrgangi á vegum fyrirtækisins, eftir því sem frekast er unnt.
- 2.6 Frárennsli frá fiskeldi skal forhreinna áður en það berst í viðtaka. Hafa skal samráð við viðeigandi heilbrigðiseftirlit. Frárennsli skal vera í samræmi við bestu fánlegu tækni fyrir fiskeldi og skal uppfylla ákvæði reglugerðar 798/1999 og gæða- og umhverfismarkmið í fylgiskjali 1. í reglugerðinni. Rekstraraðili skal gera, eða láta gera, mengunarmælingar til að fylgjast með hvort settum gæða- og umhverfismörkum sé náð, sbr. framangreint fylgiskjal reglugerðar 798/1999. Skrá skal allar slíkar mælingar í innra eftirlit fyrirtækisins.
- 2.7 Skólp frá salernum og hreinlætisaðstöðu skal leitt í fráveitu sveitarfélags eða í rotþró með siturlögn.
- 2.8 Verði rekstri hætt skal rekstraraðili, í samráði við heilbrigðisfulltrúa¹¹, ganga þannig frá athafnasvæði og búnaði að hvorki mengunar né slyshætta skapist.

¹¹ Nú Umhverfisstofnun.



3. Umhverfismarkmið

- 3.1 Frárennsli sem rennur beint til viðtaka skal að lágmarki miða við eins þreps hreinsun. Aðstaða til sýnatöku og mælinga í frárennsli skal vera fyrir hendi.
- 3.2 Ef vart verður að mengun sé yfir umhverfismörkum eða ef önnur óæskileg mengunaráhrif vegna starfseminnar koma í ljós skal rekstraraðili, í samráði við heilbrigðiseftirlit¹², gera ráðstafanir til úrbóta.

Selfossi 16. júní 2010¹³

¹² Nú Umhverfisstofnun.

¹³ Upphaflega undirritað af Birgi Þórðarsyni heilbrigðisfulltrúa, f.h. Heilbrigðiseftirlits Suðurlands, þann 16. júní 2010, Selfossi.



Samræmd starfsleyfisskilyrði vegna mengunarvarna, sbr. lög nr. 7/1998 um hollustuhætti og mengunarvarnir, með síðari breytingum

Greinargerð með starfsleyfisskilyrðum fyrir fiskeldi á landi

1. Almenn ákvæði og gildissvið

- 1.1 Starfsleyfið gildir fyrir fiskeldi og seiðaeldi annað en sjókvíaeldi.

Greinargerð:

Í samræmi við gr. 14.2a og fylgiskjali 2 með reglugerð 785/1999. Eintak af starfsleyfi þessu skal ávalt tiltækt á starfsstöð þar sem eldið fer fram.¹⁴

- 1.2 Ef um annan starfsleyfisskyldan rekstur er að ræða samhliða, gilda einnig viðeigandi starfsleyfisskilyrði.

Greinargerð:

Samhliða rekstur þýðir að á sömu starfsstöð fari fram annars konar starfsemi á vegum sama aðila. Það er nauðsynlegt að taka þetta fram, þar sem fyrirtæki með margvíslegan rekstur geta fallið undir fleiri en eitt starfsleyfisskilyrði.

- 1.3 Rekstraraðili ber ábyrgð á rekstri fyrirtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfisskilyrðum. Breytingar á rekstri skal tilkynna til leyfisveitanda.

Greinargerð:

Ábyrgð rekstraraðila er hluti af því að skilgreina gildissvið starfsleyfis. Verði rekstri hætt tímabundið eða varanlega skal gera ráðstafanir, s.s. að farga úrgangi á viðurkenndan hátt. Ganga frá húsnæði, tækjum og hráefnum í samræmi við fyrirfram gerða áætlun. Áætlun um frágang vegna rekstrarstöðvunar skal skila til heilbrigðisnefndar¹⁵ og annarra hlutaðeigandi eigi síðar en sex mánuðum eftir gildistöku starfsleyfisins. Vinna skal samkvæmt neyðaráætlun um meðhöndlun eldisfisksins ef kemur til óvæntrar stöðvunar á rekstri eldisstöðvarinnar. Í samræmi við gr. 12.4 og gr. 18.1 í reglugerð 785/1999 skal tilkynna eftirlitsaðila án tafar um stöðvun rekstrar og ráðstafanir þar að lútandi. Einnig skal, í samræmi við gr. 15.7 í reglugerð 785/1999, tilkynna eftirlitsaðila um að fiskeldisstöðin hafi verið tekin í notkun aftur ef starfsemin hefur legið niðri í meira en mánuð.¹⁶

¹⁴ Reglugerð nr. 785/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.

¹⁵ Nú Umhverfisstofnunar.

¹⁶ Reglugerð nr. 785/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.



1.4 Rekstraraðili skal starfrækja innra eftirlit með mengandi þáttum starfseminnar og umhverfis- og rekstrarþáttum tengdum þeim. Skrá skal á skilvirkan hátt og geyma upplýsingar um:

- a) Vatnsnotkun, framleiðslumagn og afföll.
- b) Fóðurnotkun og fóðurgerð.
- c) Losun efna út í umhverfið.
- d) Viðhald og tæmingu hreinsivirkja sem eru til staðar.
- e) Magn og gerð hreinsiefna, sótthreinsiefna og lyfja sem notuð voru á árinu.
- f) Meðhöndlun úrgangs, þ.m.t. magn og gerð.
- g) Afstöðumynd af stöðinni sem inniheldur m.a. frárennislagnir og hreinsivirki skal vera til staðar. Skrá skal allar breytingar sem gerðar eru á byggingum og frárennislögnum og varða mengunarvarnabúnað.
- h) Gera skal viðbragðsáætlun vegna mengunaróhappa og neyðaráætlun ef til rekstrarstöðvunar kemur.
- i) Skrá skal öll mengunaróhöpp og atvik er varða mengun og mengunarvarnir rekstraraðila, s.s. bilanir á búnaði, leka og slys.

Innra eftirlit og skráningar skulu vera aðgengilegar heilbrigðisfulltrúum.¹⁷

Greinargerð:

Sbr. reglugerð nr. 786/1999 um mengunarvarnareftirlit.¹⁸ Innra eftirlit er skilgreint sem eftirlit starfsleyfishafa með eigin rekstri, framkvæmt af starfsmönnum hans eða aðkeyptum þjónustuaðila, sem til þess hefur tilskilin réttindi, í þeim tilgangi að tryggja að kröfur í starfsleyfi eða reglugerðum séu uppfylltar. Samkvæmt gr. 12.6 í reglugerð 786/1999¹⁹ er heimilt að draga úr reglubundnu mengunarvarnaeftirliti hjá atvinnurekstri sem er með innra eftirlit með þeim efnisþáttum sem eftirlitsaðili hefur samþykkt. Eigin skráning rekstraraðila á þáttum sem hér eru taldir upp er því forsenda þess að draga megi úr reglubundnu eftirliti með rekstrinum þegar fram líða stundir.

Liður a) – g)

Mikilvægt er að fylgjast með úrgangsmýndun, hreinsivirkjum og öðrum þáttum til að meta umhverfisáhrif og draga úr hugsanlegri mengun skv. 12. gr í reglugerð 785/1999.²⁰ Rekstraraðili skal halda skrá yfir helstu atriði er varða mengunarvarnir, svo sem um hreinsun. Skrá skal upplýsingar um tæmingu á seyru, þ.e. hvenær tæming fór fram, um magn og um förgun seyrunnar. Fylgjast skal með losun mengandi efna frá öllum þáttum starfseminnar, hvort sem losað er í loft, vatn eða haf.

Liður h) – i)

Rekstraraðili skal, í samræmi við lög nr. 33/2004 um varnir gegn mengun hafs og stranda, útbúa viðbragðsáætlun til þess að taka á hugsanlegri hættu vegna bráðamengunar. Í viðbragðsáætlun skulu koma fram áætlanir um viðbrögð vegna bráðamengunar. Viðbragðsáætlun skal vera aðgengileg eftirlitsaðila. Útbúa skal neyðaráætlun, í samræmi við gr. 16i í reglugerð nr 738/2003 um urðun úrgangs, sem gripið er til ef kemur til óvæntrar stöðvunar á rekstri eldisstöðvarinnar. Neyðaráætlunin skal innihalda bráðabirgðakröfur um meðferð og förgun eldisfisksins ef kemur til lokunar og eftirlit í kjölfar hennar.

Neyðaráætlun skal vera aðgengileg eftirlitsaðila.

Verði óhapp eða slys sem hefur í för með sér losun mengandi efna út í umhverfið



skal þegar í stað grípa til aðgerða skv. viðbragðsáætlun, til þess að fyrirbyggja að mengun valdi skaða á umhverfi. Verði bilun í mengunarvarnarbúnaði skulu þegar í stað hafnar nauðsynlegar lagfæringar. Slík atvik skal tilkynna eftirlitsaðila sem metur hvort þörf sé frekari aðferða.

Tilkynna skal Umhverfisstofnun um tilfelli þar sem hætta er á bráðamengun.

2. Mengunarvarnir og umhverfismál

2.1 Beita skal bestu fánlegu tækni til að fyrirbyggja mengun umhverfisins.

Greinargerð:

Sbr. 12. gr. reglugerðar nr. 785/1999 um starfsleyfi fyrir atvinnurekstur sem getur haft í för með sér mengun²¹, sbr. einnig reglugerð nr. 796/1999 um varnir gegn mengun vatns. rekstraraðili skal nota bestu fánlegu tækni (BAT) við mengunarvarnir eins og hún er skilgreind í reglugerð nr. 785/1999 og í norrænni skýrslu um bestu fánlegu tækni fyrir fiskeldi. Nánari upplýsingar um BAT er að finna á vef Umhverfisstofnunar www.ust.is/bat.

2.2 Rekstraraðili skal tryggja umhverfisvernd, t.d. með því að fylgjast með ástandi eldisvatns og eldisbúnaðar. Reglulega skal yfirfara botnsíur og annan búnað sem hindrar að fiskar sleppi út í umhverfið.

Greinargerð:

Rekstraraðili skal tryggja umhverfisvernd sbr. gr. 14.2m í reglugerð 785/1999²², m.a. með því að a) tryggja gæði eldisvatns, b) tryggja að búnaður sé í lagi, c) tryggja gott heilbrigðisástand eldisstofsins og d) draga úr öðrum umhverfisáhrifum, t.d. með hóflegri fódrun og með því að draga úr notkun efna og lyfja til að fyrirbyggja mengun í viðtaka. Gera skal nauðsynlegar ráðstafanir til þess að koma í veg fyrir mengunaróhöpp og sleppingar fiska. Rekstraraðili skal gera eftirlitsaðila grein fyrir á hvern hátt umhverfisvernd er tryggð við rekstur stöðvarinnar.

2.3 Fyrirtækinu er skylt að sjá um, að á öllu athafnasvæði þess sé gætt fyllsta hreinlætis. Allar vélar og tæki, hráefni og annað það er starfsemi tilheyrir og er vistað í húsnæði eða á lóð fyrirtækisins skal þannig frá gengið að ekki valdi óþrifum eða óþægindum fyrir nágranna.

Greinargerð:

Í samræmi við 16. gr. í reglugerð 737/2003 um meðhöndlun úrgangs. Við gerð og staðsetningu mannvirkja og tækja við rekstur allan, skal taka fyllsta tillit til nauðsynlegra umhverfis, heilnæmis- og hollustuhátta. Allar vélar og tæki, hráefni og annað á lóð fyrirtækisins skal geyma þannig að hvorki valdi óþrifum eða óþægindum

¹⁷ Nú Umhverfisstofnun.

¹⁸ Reglugerð nr. 786/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.

¹⁹ Reglugerð nr. 786/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.

²⁰ Reglugerð nr. 785/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.

²¹ Reglugerð nr. 785/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.

²² Reglugerð nr. 785/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnareftirlit.



fyrir starfsemi eða íbúa í nágrenninu. Halda skal húsnæði, athafnasvæði og búnaði þrifalegum og í samræmi við lög og reglur. Benda má sérstaklega á auglýsingu 582/2000 um almenn starfsleyfissskilyrði fyrir mengandi starfsemi þar sem m.a. eru gefin út lágmarksskilyrði fyrir frágangi á lóð og húsnæði.

- 2.4 Beita skal bestu fánlegri tækni við meðhöndlun úrgangs og stefna að lágmarkun úrgangs hjá fyrirtækinu. Fyrirtækið skal flokka og endurnýta úrgang eins og kostur er. Úrgangur sem ekki nýtist skal annaðhvort fluttur til endurnýtingar annars staðar eða til förgunar. Sorphirslur og ílát undir úrgang sem staðsett eru utanhúss, skulu vera lokuð og í samræmi við lög og reglur. Spilliefnum og lyfjaleifum skal komið til viðurkenndrar spilliefnamóttöku. Öll brennsla úrgangs er óheimil.

Greinargerð:

Í samræmi við 11. gr. reglugerðar nr. 737/2003 um meðferð úrgangs. Spilliefni skal ekki geyma til langframa á umráðasvæði fyrirtækisins heldur skal þeim skilað til viðurkenndrar móttökustöðvar. Geyma skal spilliefni og hættuleg úrgangsefni þar sem ekki er hætt á að umbúðir þeirra verði fyrir hnjaski.

- 2.5 Rekstraraðila er skylt að fyrirbyggja aðgang fugls, meindýra og annarra villtra dýra að eldiskerjum, fóðurgeymslum, fráveitukerfi og úrgangi á vegum fyrirtækisins, eftir því sem frekast er unnt.

Greinargerð:

Í samræmi við ákvæði 11. gr. reglugerðar nr. 941/2002, hollustuhæti og 16. – 17. gr. reglugerðar nr. 737/2003 um meðferð úrgangs. Verði vart við meindýr skal sjá til þess að þau þrífist ekki eða taki sér bólfestu á athafnasvæði rekstraraðila. Rekstraraðili skal hindra aðgang villtra fugla og spendýra sem sækja að hreinsibúnaði og úrgangi stöðvarinnar.

- 2.6 Frárennsli frá fiskeldi skal forhreinsa áður en það berst í viðtaka. Hafa skal samráð við viðeigandi heilbrigðiseftirlit. Frárennsli skal vera í samræmi við bestu fánlegu tækni fyrir fiskeldi og skal uppfylla ákvæði reglugerðar 798/1999 og gæða- og umhverfismarkmið í fylgiskjali 1. í reglugerðinni. Rekstraraðili skal gera, eða láta gera, mengunarmælingar til að fylgjanst með hvort settum gæða- og umhverfismörkum sé náð, sbr. framangreint fylgiskjal reglugerðar 798/1999. Skrá skal allar slíkar mælingar í innra eftirlit fyrirtækisins.

Greinargerð:

Mengun vatns er óheimil skv. reglugerð 796/1999 um varnir gegn mengun vatns. Losun efna skal vera í samræmi við kröfur í reglugerðum og starfsleyfi. Forhreinun íðnaðarskólps er krafist skv. reglugerð 798/1999 um fráveitur og skólp. Forhreinun getur falist í að fanga aðskotahluti, s.s. umbúðir, verkfæri og álíka hluti, með ristum eða síukerjum áður en þeir berast í fráveitukerfið, hún getur einnig falist í að fanga agnir og efnasambönd frá vinnslunni með botnfellingu eða fleytingu olíu og fituefna. Kröfur um hreinsivirki er að finna í 25. og 26. gr. reglugerðar nr. 798/1999 um fráveitur og skólp. Seyru úr hreinsibúnaði við frárennsli frá eldiskvím skal koma til endurvinnslu eða förgunar sem föstum úrgangi, í samræmi við reglugerð 799/1999 um meðferð seyru. Auðvelt skal vera að komast að setþróm fyrir seyru til að dæla úr þeim, og skal það gert áður en safnrými seyru er fyllt. Seyru má nýta sem áburð á land eða koma fyrir á viðurkenndum förgunarstað fyrir úrgang. Ef rekstraraðili getur sýnt fram á að styrkur



og magn efna í frárennsli er undir umhverfismörkum getur heilbrigðisfulltrúi/heilbrigðisnefnd veitt undanþágu frá kröfum um forhreinsun. Rekstraraðili hefur frest til 31. október 2007 til að framkvæma viðeigandi breytingar á mengunarvarnarbúnaði þannig að hann uppfylli ákvæði um bestu fánlegu tækni.

- 2.7 Skólp frá salernum og hreinlætisaðstöðu skal leitt í fráveitu sveitarfélags eða í rotþró með siturlögn.

Greinargerð:

Mengun vatns er óheimil skv. reglugerð 796/1999 um varnir gegn mengun vatns. Rotþró og siturlagna er krafist skv. 13. gr. reglugerðar 798/1999 um fráveitur og skólp. Um fyrirkomulag og staðsetningu rotþró og siturlagna skal fara samkvæmt fyrimælum bygginganefndar og heilbrigðisnefndar og vera í samræmi við leiðbeiningar Umhverfisstofnunar um rotþrær og siturlagnir.

- 2.8 Verði rekstri hætt skal rekstraraðili, í samráði við heilbrigðisfulltrúa²³, ganga þannig frá athafnasvæði og búnaði að hvorki mengunar né slyshætta skapist.

Greinargerð:

Verði rekstri hætt þá sé það tryggt að frágangur á athafnasvæði sé ásættanlegur.

3. Umhverfismarkmið

- 3.1 Frárennsli sem rennur beint til viðtaka skal að lágmarki miða við eins þreps hreinsun. Aðstaða til sýnatöku og mælinga í frárennsli skal vera fyrir hendi.

Greinargerð:

Sbr. reglugerð nr. 796/1999 um varnir gegn mengun vatns og reglugerð nr. 798/1999 um fráveitur og skólp. Við útrásir þar sem fráveituvatn er leitt í viðtaka sem ekki njóta sérstakra verndar má hvergi vera:

- set eða útfellingar
- þekjur af rotverum (bakteríur og sveppir)
- olía eða froða
- sorp eða aðrir aðskotahlutir
- efni sem veldur óþægilegri lykt, lit eða gruggi

- 3.2 Ef vart verður að mengun sé yfir umhverfismörkum eða ef önnur óæskileg mengunaráhrif vegna starfseminnar koma í ljós skal rekstraraðili, í samráði við heilbrigðiseftirlit²⁴, gera ráðstafanir til úrbóta.

Greinargerð:

Sbr. 27. og 28. gr. reglugerðar nr. 786/1999 um mengunarvarnaeftirlit²⁵ og sbr. gæðamarkmið í fylgiskjali 1 og 2 með reglugerð 798/1999 um fráveitur og skólp. Dæmi um aðgerðir til úrbóta eru t.d. að draga úr fódrun eða bæta hreinsibúnað.

Selfossi 16. júní 2010²⁶

²³ Nú Umhverfisstofnun.

²⁴ Nú Umhverfisstofnun.

²⁵ Reglugerð nr. 786/1999 hefur verið felld á brott, í stað hennar gildir nú reglugerð nr. 550/2018 um losun frá atvinnurekstri og mengunarvarnaeftirlit.

²⁶ Upphaflega undirritað af Birgi Þórðarsyni heilbrigðisfulltrúa, f.h. Heilbrigðiseftirlits Suðurlands, þann 16. júní 2010, Selfossi.